



UNIVERSITÄTS-
BIBLIOTHEK
PADERBORN

**In Vaticinia Isaiae, Prophetæ Clarissimi, Paraphrasis,
Heroico carmine conscripta**

Carpenteius, Joannes

Antverpiæ, 1588

Cap. 12.

[urn:nbn:de:hbz:466:1-68688](https://nbn-resolving.org/urn:nbn:de:hbz:466:1-68688)

Interea dictante Deo legesque ferente,
Conueniet nullo pax dissoluenda tumultu
Inter utramque tribum, ponent odia aspera tandem,
Mutua nec fodient repetito pectora ferro,
Nec bellis acuent vltra ciuilibus enses:

¹⁴ Sed iunctis animis dispartitoque labore,
Prima Palaestinis indicent bella colonis:
Mox velut alati maria omnia peruolitabunt,
Prædatoque ferent celebres oriente rapinas:
Instituent passim leges, & Marte subactis
Iura dabunt, morésque etiam ritúsque nouabunt
Sacrorum: vox missa plagas exhibet in omnes;
Audiet, & si quem palmetis diues Idume
Detinet umbriferis, & quem deserta Moabi
Gaudentem raptis scopulosis montibus abduxit:
Audiet, & nati in morem data iussa capeisset
Quamuis gentilis, tamē hactenus improbus Ammon,

¹⁵ Atque adeo ut Phariis sacra hæc vulgētur in oris,
Ipse Deus linguam, Deus ipse latrantis Anubis
Euellet, cæli Domino maledicere suetam,
Increpitumque graui commoti numinis ore
Fæcundo latē stagnantem flumine Nilum,
Diductum in tenues septena per ostia riuos
Muletabit: gemet ille suo spoliatus honore,
Siccæque calcari pedibus vada flebit inultis.

¹⁶ Tali calle mihi lectas ab origine gentis
Reliquias (ait Omnipotens) educere certum est,
Qualem olim Hebræis Pharios fugientibus agros
Gurgitis eoi memini struxisse per undas.

Cap. 12. ¹ Tum tu parue meo grex factus munere liber,
Ni malè gratus eris, tantoque indignus amore,
Hoc mihi adoratas carmen recitabis ad aras:

Te pater alme canam, quanquam mihi cognitus ipse
Terrear, ut nequeam te dignas dicere laudes,
Te memorare iuuat tamen, æternūque iuuabit.
Nam quis te melior? quis iustas promptior iras
Ponere, & immeritos venia donare petita?
Sanè ego postquam à me tua nunc deferbuit ira,
Auersusque furor, solatia dulcia sensi,
Et noua firmato rediit fiducia cordi.
Degeneres procul ergo metus, procul este timores
Attoniti: ² Deus ecce meus, Deus ecce meorum
Et decus & columen rerum, Deus ecce salutis

I

Et

¹⁴ Et volabūt in humeros Philisthiim per mare, simul prædabūtur filios oriētis: Idumæa & Moab præceptū manus eorum, & filij Ammon obediētes erunt.

¹⁵ Et desolabit Dominus linguam maris Aegypti, & leuabit manum suam super flumen in fortitudine spiritus sui: & percutiet eum in septem riuis, ita ut transeant per eum calciati.

¹⁶ Et erit via residuo populo meo qui relictus est ab Assyriis, sicut fuit Israeli in die illa qua ascendit de terra Aegypti.

Cap. 12.

¹ Et dices in die illa: Confitebor tibi Domine, quoniam iratus es mihi: conuersus est furor tuus, & consolatus es me.

² Ecce Deus seruator meus, fiducialiter agā & non timebo: quia fortitudo mea & laus mea Dominus, & factus est mihi in salutem.

Ammon hic de populo Iudææ finiti-
mo intelligi-
tur, qui ex fi-
liis Lothi pro-
gnatus erat.

ste mihi
ari nū
uce Do-
nostru
Christi

Hymnus &
gratiarum
actio.

um sue
um cu
bristi

Et libertatis vegeta non futilis author.

3 Haurietis aquas de
fontibus saluatoris in
gaudio.

*Vos ergo gentes haec ad noua sacra vocate
Letitia votisque diem hunc celebrate frequentes,
Quasque suo seruator aquas de fonte propinat,
Prodigus, & finem seruare modumque merendi
Nescius, abiectis alacres haurite lacunis.*

*Non opus est pretio, gratis hoc fonte sine ullo
Munere proluere omnibus arida labra licebit.*

Tum saturi in talem vnanimis erumpite vocem:

4 Et dicetis in illa die:
Confitemini Domi-
no, & inuocate no-
men eius. Notas fa-
cite in populis adin-
uentiones eius: me-
mōtote quoniam ex-
cellsum est nomē eius.
5 Cantate Domino,
quoniam magnificē
fecit: & annunciate
haec in vniuersa terra.
6 Exulta & lauda ha-
bitatio Sion, quia
magnus in medio tui
Sanctus Israel.

*Eia agite o socij Dominum celebremus ouantes,
Terrarum Dominum calique erebique potentem.
Illum omnis sexus, aetāsque & lingua per omnes
Quas Sol cunque plagas radiis illustrat, adoret.
Dicite quae celo terraque marique potenter
Edidit, & fanda populis vulgate remotis:
Magnificūque Deum sublimēque numen ad astra
Tollite: tuque adeo imprimis quicumque Sionis
Aurea templa colis, Dominum venerare Deūque
Olim sorte tuum, nunc verò munere magno
Per cunctas terrae diffusum habitabilis oras.*

Fontes sal-
uatoris Euan-
gelicam do-
ctrinam si-
gnificant.

VATICAN